

新刊經進詳註昌黎先生文集

新刊經進詳註昌黎先生文集卷第王二補註附

祭文

祭田橫墓文并序

前漢書韓信已平齊地漢王止為皇帝
齊王橫懼誅而與其徒屬五百餘人入
海居島中高帝聞之以橫兄弟本定齊
齊人賢者多附焉今在海中不收後恐
為亂乃使使赦橫罪而招之橫乃與其
客二人乘傳詣洛陽至尸鄉廐置橫謝
使者自到令客奉其頭從使者馳奏之
高帝帝為之流涕而葬其二客為都尉
發卒二千以王若禮葬橫既葬二客穿
其冢旁皆自到從之高帝聞而大驚以
橫客皆賢聞其尚五百人在海中使使
召至聞橫死亦皆自殺於是乃知田橫
兄弟能得士也橫與兄榮皆田澹從弟
顏師古曰尸鄉在偃師城西補註東地

京洛陽也橫墓在偃師諸本多作十九
年東如京按十九年秋公為櫟史其冬
貶陽山安得以此九月出田橫墓下唐都
長安亦不得去東如京也洪興祖云公
家河陽唐都長安以河陽為東都長安
為西都而此云東如京何哉或云嘗本
作自東如京公其年春三上書求仕不
報五月出京來歸河南至是自京何為
邪公其年二十八爾抑不過求仕
於京師此孟子所謂皇皇如也

貞元十一年九月十一日愈一字有東如京道出

田橫墓下感橫義高能得士心因取酒以祭為

文而弔之其辭曰按地理志唐都長安號曰東西

之遺制班固張衡各賦其事是也公以貞元十
一年正月三上宰相善不報五月戊辰遂東歸
蓋墳墓在河陽東歸省焉復自河陽而東入洛
將以求仕故曰東如京也道出偃師祭橫墓焉

復志賦所謂出國門而東驚矣洛師而張望是
也是時不得志於京師謀西居洛其後廬於嵩
山之東至十二年遂自
洛入汴以從董晉之命

事有曠百世而相感者余不自知其何心非今

世之所稀孰為使余歔歔而不可禁歔又許既切禁音居吟切止也也歔歔悲傷也音虛希

夫子之所為死者不復生嗟余去此而一作其從

誰當秦氏之敗亂得一士而可王何五百人之

擾擾而不能脫夫子於劒鏑抑所寶者一作非

賢亦夫一作大命之有常昔闕里之多士孔聖亦

去其遑遑漢晉春秋曰闕里者仲之故宅也

無君則皇
皇如也
苟余行之不迷雖顛沛其何傷也

沛偃仆也
復路兮及行迷之未遠
自古死者非一夫子

至今有耿光踈陳辭而薦酒魂騁騷而來享

歐陽生哀辭并序

歐陽詹字行周泉州晉江人唐史有傳

所載事跡多出此哀辭補註傳云李翱

為詹傳今考之文公集傳則云矣惟孟

簡為之傳小說載焉大略書其為四門

助教正元十五年獻書宰相不報去遊

太原滌一敗遂還京卒詹父母老矣公
所謂以志養志今乃爾耶疑好事者託
簡為之辭也及覽詹集有初發太原途
中寄太原所思有高城已不見况復城
中人之句則知小說所載為不誣矣新
史於文藝立傳大緊本公哀詞其曰詹
字行周泉州晉江人卒年四十余集十

卷行于廿哀一
詞所無也

歐陽詹世居閩越

泉州即古閩越之地辭在送惠師詩

自詹已上

皆為閩越官至州佐縣令者累累有焉閩越地

肥衍有山泉禽魚之樂雖有長材秀民通文書

吏事與上國齒者未嘗肯出仕今上初即位總

故宰相常袞為福建諸州觀察使

往有治其地

常袞京兆人相代宗後以事貶守潮陽建中初

楊炎輔政起為福建觀察使卒于官其後閩人

配享袞于奉宮云按唐志福建觀察使所

宗領福泉建江四州以福為治所袞以文辭進

有名於時又作太官臨蒞其民縣鄉小民有能

誦書作文辭者一云袞以文詞進縣鄉小民有能誦書作文詞者袞故嗟相有

名於時又作大官
臨蒞其民云云

衮親與之爲客主之禮觀游

讌饗必召預之時未幾皆化翕然詹于時獨秀
出衮加敬愛諸生皆推服閩越之人舉進士繇
詹始建中身元間余就食江南未接人事往往
聞詹名閭巷間詹之稱於江南也久矣貞元三
一作二年余年十九始至京師舉進士聞詹名尤
甚八年春遂與詹文辭同考試登第始相識自
後詹歸閩中余或在京師他處不見詹久者惟
詹歸閩中時爲然其他時與詹離率不歷歲移
時則必合合必兩忘其所趨久然後去故余與

詹相知為深詹事父母盡孝道仁於妻子於朋

友義以誠氣醇以方容貌巖然其燕私善譔以

和其文章切深遠一無喜往復善自道讀其書

知其於慈孝最隆也詹有文集傳於世李照孫

建團練副使曰詹之子價自南安抵福州進君

之舊文共十編首尾凡若干首泣拜請序予已

訪其命而詞竟未就價有文又蚤死大中二年

其所傳也為題其序十五年冬余以徐州從事

朝正于京師詹為國子監四門助教將率其徒

伏闕下舉余為博士會詹一作有獄不果上覲

其心有益於余將忘其身之賤而為之也嗚呼

詹今其死矣

本傳云卒年四十
崔羣哭之甚哀

詹閩越人也父

母老矣捨朝夕之養以來京師其心將以有行

而歸爲父母榮也雖其父母之心亦皆然詹之

一無之字在側雖無離憂其志不樂也詹在京師雖

有離憂其志樂也若詹者所謂以志養志者歟

詹雖未得仕其名聲流於人人其德行信於朋

友雖詹與其父母豈可無憾也詹之事業文章

李翱既爲之誌

一作傳
又作說余

故字有作哀辭以舒余

哀以傳于後以遺其

詹一作

父母而解其悲哀以

卒其

詹一作

志云

求仕與友兮遠違其鄉父母之命兮子奉以行

友則既獲兮祿實不豐以志為養兮何有牛羊

曾子之養曾皙常恐有違故孟子曰事實既修

兮名譽又光父母忻忻兮常若在旁命雖云短

兮其存者長詹卒時年方四十終要必死兮願永不

杯傷友朋一作親視疾兮藥物甚良飲食既一作孔

時兮所欲無妨壽命不高一作齊兮人道之常在

側與遠兮非有不同山川阻遠兮魂魄流行祭

祀之一作則及兮勿謂不通哭泣無救一作益兮仰

哀自彊推生知死兮以慰孝誠嗚呼哀哉兮是

亦難忘

題歐陽生哀辭後

補國公與群詹同年以吾所為合於古語見叔孫通傳云

愈性不喜書自為此文惟自書兩通其一通遺
清河崔羣羣與余皆歐陽生之友也哀生之不
得位而死哭之過時而悲其一通今書以遺彭
城劉君伉口浪切伉喜古文以吾所為合於古語
吾廬而來請者八九至而其色不一作無怨志益
堅凡愈之為此文蓋痛一作哀歐陽生之不顯榮
於前又懼其泯滅於後也今劉君之請未必知

歐陽生之志其志在古文耳雖然苟愛吾一作其

文必求其義則進知於歐陽生矣必時觀義下舊本

無則進已愈之為古文豈獨取其句讀不類於

今者耶思古人而不可一有字得見學古道則欲兼

通其辭通其辭者本志於古道者也古之道不

苟譽毀一作譽於人然則吾之所為文皆有實也

劉君好其辭則其知歐陽生也無惑焉閩川名士傳歐

陽詹字行周泉州晉江人弱冠能屬文天純洪

汗貞元八年登進士第畢闕試薄遊太原於樂

籍中因有所悅情甚相得及歸乃與之盟曰至

都當相迎爾即洒泣而別仍贈之以詩尋除

且甚乃危引歸刃而匣之顧謂女弟曰吾其

六

死矣苟歐陽使至女弟如信可以持歸京具乃遺之絕筆而
逝及使至又見其詩一大夫皆謂詹惑一妓而死故
函閱之傳蓋當時士大夫皆謂詹惑一妓而死故
按此傳蓋當時士大夫皆謂詹惑一妓而死故
公之哀辭非獨哀詹抑亦以解時人之惑歟
故末句云則知歐陽生也無惑焉其意可心

獨孤申叔哀辭

申叔太子舍人助之子柳宗元為之墓誌曰君諱申叔字子重年二十二舉進士二年用傳學宏辭為秘書省校書郎又三年居父喪亦練而卒蓋貞元十八年四月五日也延年七月十日而葬鄉曰某原曰某助見本集獨孤郁墓誌曰中語大率與寄崔羣書同蓋太史公伯夷論也于時柳子厚有獨孤君墓碣皇甫持正有傷獨孤君賦

衆萬之生誰非天邪明昭昏蒙誰使然邪

楚辭天問

曰冥昭瞢闇誰能極之

行何為而怒

一作怨

邪居何故而憐

邪胡喜厚其所可薄而怕不足於賢邪將下民

之好惡與彼蒼

一作蒼

懸邪抑蒼茫無端而暫寓

於其間邪死而

一作者

無知吾為子慟而已矣如

有知也子其自知之矣濯濯其英曄曄其光如

聞其聲如處

一作見

其旁

一作容

嗚呼遠矣何日而

忘

為崔侍御祭穆員外文

按唐吏穆員外懷州河內人字與直工為文章村亞留守東都辟佐其府累遷

御史

卒

維年月日故人博陵崔顥謹以清酌之奠祭于

亡友穆六端公之靈一本無此於乎建中之初

予居干蒿攜扶北歸一作奔避盜來攻晨及洛師

相遇一時顧我如故眷然顧之子有令聞我來

自山子之俊明我鈍而頑道既去異誰從知我

我思其厚不知其一作不可於後八年君從杜

侯我時在洛亦應其招留中無事多君子寮罔

有疑忌維其嬉游草生之春鳥鳴之朝我轡在

手君揚其鑣鑣馬銜也君居干室我既來即或

以嘯歌或以偃側誨余以義我復一作復以誠終

日與語無非德聲主人信讒有惑其下殺人無

罪誣以成過入救不從反以為禍赫赫有聞王

命三司

唐志凡冤無告者三司詰之三司謂御史大夫中書門下也

察我子

獄相從係縲直生可

一作何

樂曲死可

一作何悲云

曲生何樂直死何悲

上懷主

一作王

人內憫其私進退之難

居處之宜既釋于囚我來徐州道之悠悠思君

為憂我如京師君居父喪

貞父寧告歸東都哭以秘書監致仕卒

泣而拜言詞不通我歸自西君反吉服晤言無

他往復其昔

一作音

不日而違重我心惻自後聞

君母喪是丁痛毒之懷六年以經

一作井

孰云孝

子而殞厥靈今我之至入門失一作聲酒肉在前君胡不飡外君之堂不與我言於乎死矣何日來還

祭郴州李使君文

補當正元之癸未楊皇威而左授公
正元十九年冬自海使出陽山也過郴州
州識李使君其詩有李貞外寄帝筆刻
所謂獲帝筆之雙翼也又有以魚招張功
曹則授以魚之短鰭也正元二十一年
以順宗赦徙楊江陵待命于郴州在衡
山之陽則所謂埃新命于衡陽費薪芻
於館候也始訝信於暫疎遂成凶於不
救則李使君其年冬死柩過江陵公以
是祭之求正元年冬也正元二十一年
八月改

宋正

維年月日將仕郎守江陵府法曹叅軍韓愈舊本

去元和元年歲次丙戌二月乙未謹以清酌庶

羞之奠敬祭于故一無郴州李使君三兄之靈

古語有之白頭如新傾蓋若舊前漢鄒陽書云

傾蓋如故知與不知也言不相得白少至老猶

新若知情相得傾蓋之間有同故交傾蓋謂交

蓋驛車也顧意氣之何如曷一作日時之足究當身

元之癸酉惕皇威而左授酉當一作未按公以言

十九年癸未別知賦曰歲癸未而遷逐伏荒炎

之下邑嗟名類而位仆荒炎南方也仆歷貴郡

而西邁西當為南邇清光於一作暫觀言若一作

莫交而情無由既不賈而奚售

賈賣也售賣去手也時公獲罪

追程而進故雖暫遇不交一言如賣物之不也痛谷風詩曰既阻我德賈用不售賈音古售

承呢哀窮荒一作

之無圖罕百憂以一作

自副

辱問評之綢繆恒飽饑而愈疲接雄詞於章句

窺逸跡於篆籀

篆籀古書也秦時史籀造

苞黃

甘而致

一作貽膳安仁筌賦披黃苞以授甘注云甘橘也甘皮黃故曰黃苞後劉

之獲紙筆之雙質投义魚之短韻媿韜瑕而舉

秀俟新命於衡陽費薪芻於館侯

新命謂貞元二十一年正月

月丙申領京師位大赦公得內徙任便居住校來謝世當時未有法曹之命故曰俟新命於衡

陽衡陽者當作桂陽蓋郴州為桂陽郡也故下句云衡氏湖之空明衡陽即衡州也於理不通

候館市樓也空大亭以見處越水木之幽茂逞

見巡府西詩英心於縱博大煩腸於一作清酣航北湖之空

明觀鱗介之驚透浮休南遷錄云柳州北湖實

退之所謂航北湖之空明者也自新法已來上

又曰回頭為語張公子皆自宴州樓之豁達衆

管啾一作而並奏得恩惠於新知脫窮一作愁

於往陋輟行謀於俄頃見秋月之三穀穀張弓

切三穀言三夜也按公後至衡州題合江亭詩

太窮秋感平分新月襟半破及八月十五贈張

功曹詩則知此秋月三逮天書之下降猶低迴

以宿留

宿留當作傍留見南山詩

念睽離之在

期謂此會之難又授縞紵以託心示茲誠之不

謬縞紵以結交見儻後日之北遷遷當為還而

言約窮歡於一晝雖椽樑之酸寒要挾貧而為

富何人生之難信捐斯言而莫就始訝信於暫

踈遂成凶而不救見銘旌之低昂尚遲疑於別

袖憶交酬而迭舞奠盃而哭特李使君與

死於州州樞過江陵感美夫君之為政不撓志

於讒構遭唇舌之紛羅獨凌晨而孤雖彼儉人

之浮言雖百年一作其何詬洞古往而高觀固

邪正之相冠幸竊覩其始終敢不一無明白而

蔽覆神平來哉辭以為侑尚饗

按此則知李使君始亦以謫獲

罪貶于郴州遂死貶所公既知其終始將欲於朝申雪之

祭薛公達助教文

補國公達正元九年進士仕終國子助教元和四年二月十四日其諱見公所

諱墓

維元和四年歲次己丑後三月二十一日景寅

世祖諱昭故朝散郎守國子博士韓愈太學助教侯景後同

教侯繼謹以清酌之奠祭于亡友國子助教薛

君之靈嗚呼吾徒學而不見施設祿又不足以

活身天於此時奪其友人同官太學自得相因

奈何永違祗隔數晨笑語為別慟哭東門藏棺
蔽帷欲見無緣皎皎眉目在人目前一六若自
以告誠庶幾有神嗚呼哀哉尚饗

祭虞部張季友負外丈

集有墓銘時陸宣公典貢舉季友
正元八年進士公同年至是元和十年
九二十三歲其
詳見公所誌銘

維年月日愈等

人一云維元和十年月日中書舍人王涯考功郎中知制誥韓愈

禮部侍郎崔羣京兆尹許季同考功員外郎謹
庾承宣河中節度判官殿中侍御史邢冊等

以清酌庶羞之奠敬祭于亡友張十三負外之

靈嗚呼往在貞元俱從賓薦司我明試時為邦

彥各以文售幸皆少年羣游旅宿其歡甚焉出
言無尤有獲同喜他年諸人莫有能以倏忽逮
今二十餘歲存皆表白半亦辭世外纏公事內
迫家私中宵興歎無復昔時如何於今一作昔又
失夫子懿德柔聲永絕心且廬親之墓終喪乃
歸陽瘖避職妻子不知分司憲臺風紀由振遂
遷司虞以播華問不能老壽孰究其因嗣託於
宗天維不仁酒食備設筮其降止論得德一作叙
情以視諸誅尚饗

祭河南張署員外文

此篇雖名祭文實四言詩體也
正元十九年冬與張俱自御史為令南
方張為柳之臨武公則連之陽山而陽
山路出臨武蓋由柳踰嶺而後至明年
冬相會於界上虎取公驂而去明年以
順宗即位二月二十四日赦偕為棧江
陵張後為京兆府司錄又為河
南令并官去公嘗誌其墓矣

維年月日彰義軍行軍司馬守太子右庶子兼

御史中丞韓愈一云維元和十二年彰義軍節

右庶子兼御史中丞護謹遣某乙以庶羞清酌

之奠祭于亡友故河南縣令張十二無十負

父之靈身元十九君為御史余以無能同詔並

時德宗貞元十九年公與署同受詔君德渾剛

時為監察御史時立也音文里切

標高揭已

紀音

有不吾如唾猶淫滓

言嫉邪甚

余龔

而狂年未三紀

龔愚也音陟降切與憲同

乘氣加人無敢挾

恃

一作無挾自恃

彼婉孌者實憚吾曹側肩帖耳有舌

如刀我落陽山以尹驪猱君飄臨武山林之牢

二公為御史權幸不喜皆側肩帖耳以伺其過後果被讒皆得罪公貶連州陽山令署柳州臨

武令驪音吾飛鼠也係音奴刀切猱屬公赴江陵寄言陽山吏民以猿猴牢獄也言險惡之地

如牢獄也

歲弊寒兕雪虐風饕

一作號

顛於馬下我泗

君咷

咷徒力切說文曰楚人謂泣不止曰咷

夜息南山同卧一席

南山終南山也公詩曰前年遭譴責探歷得邂逅是也

守隸防失祗項交

跼也

洞庭漫汗粘天無壁

洞庭湖在岳州巴陵縣界漫汗水廣

大貝上音莫半切

風濤相逐中作霹靂

濤大波也逐擊也音仄霹靂雷

也

追程盲進帆艤箭激南之一

一作

湘水屈氏所

沉二妃行迷淚蹤染林

湘水出零陵北注洞庭南行者必循水而上故

曰南上湘水屈氏屈原也二妃舜婦也皆見送惠師註

山哀浦思鳥獸叫

音余唱君和百篇在吟君止于縣我又南踰

謂縣

臨武也陽山在臨武之前按九域志郴州西南到連州三百九十里故曰南踰也

把醖

相飲後期有無

言未定也

期宿界上一夕相語

郴州連

界自別幾時遽

一作復

變

一作偏

寒暑枕臂歌眠加

余以股

漢光武與嚴子陵共卧足加帝腹上枕音職任切

僕來告言虎

入廐憂無敢譙逐以我驂去

驂驢子也音土東切去音起呂切

君去是物不駿於乘枚叔七發云虎取而往來

黃其徵我預在此與君俱膺十二支寅寅謂翌也

之日也徵懲戒也言翌日為寅虎必復來當戒備

之膺當也魯頌閟宮之篇曰戎狄是膺荆舒是

懲而左傳亦云蔡昭侯將如吳諸大夫恐其又

遷也承杜預以為承音懲楚言則習俗相傳其

來也遠故韓公於此亦用之蓋郴州在春秋戰

國時皆楚地也東坡九仙山詩六山前虎跡

候吏饒敵競我生本艱奇壘土蒲金甌山禽與

野獸知我久蹭蹬笑胃候吏還禦虎吾有命即

與君俱膺猛獸果信惡禱而憑德義不敢為害

非禱於鬼神以余出嶺中君俟州下偕緣江陵

非余望者郴州有騎田嶺今謂之臘嶺即五嶺

遇赦北還故出此嶺中署符之於此復與郴山

胥會也時二公皆內徙為江陵府法曹

奇變其水清寫泊砂倚石有選無捨選逢也心不欲見而

見曰選音五各切楚辭九章曰重華不可選兮

自西流東謂之沱河東北山嶺隆峻謂之蘇仙

焉西門裏有義帝墳及廟又有王山成仙羅仙

觀大抵神仙事跡居多乃古來山林深處人迹

罕為固神仙所宅也裏外僧舍十餘匪惟出山

最流水又有愈泉卓劍泉皆在城中溪上尤多

奇石劍泉者俗謂之早劍泉言炎布追殺義帝

于此卓劍而成泉也愈泉者飲之獲愈池皆清

流激冽浸灌資利餘見祭郴州李使君及廖道

士衡陽放酒一作熊咆虎嘯不存令章罰籌蟄

毛衡州為衡陽郡言放意於酒喧呼嘲競如熊

咆虎之衆又以令為罰籌筭之多有同嚼毛也

也唐入酒令見入日登高詩沉酒曰酒音弥衣切

咆皆猛聲上音蒲交切下音呼刀切楚辭曰

虎豹兮熊咆又曰虎豹咆委舟湘流往觀南岳此謂順流北歸也南岳衡

山在衡州湘潭縣界雲壁潭潭穹林攸摧爾雅曰稍摧者

無枝柯稍摧避風太湖七日鹿角也太湖洞窟

長而殺者避風太湖七日鹿角也太湖洞窟

太湖一名宮亭一名震澤一名洞庭水經曰湖

中有鹿角洲浮休南遷錄太湖中自石橋港舟

行數里東望培塿迤邐薄有曰鹿鈎登大鮎

角洲有巡檢司去青草湖十餘里

怒頰豕狗鮎大魚也音乃兼切蜀本圖經曰鮎

而口小者名鮎口小背黃腹白者名鮎一名河

鮎三魚並鑿為雁美而且補國語洪範父云狗

音許角切豕聲也今世韓文本皆作怒頰豕狗非惟無理兼不協韻盤炙酒群

奴餘咏走官階下首下尻高尻音立刀切說文

傳曰尻益高階下音亥雅切洛

下壤下皆同首下音亥駕切下馬伏塗從事

是遭塗駢駢為下也下音亥駕切子徵博士君

以使已憲宗即位公自江陵召拜國子博士既而邕管經略使奏署為判官尚止于此

已止相見京師過願之始分教東生君掾雍首

兩都相望於別何有公分教東都生時署為京兆府司錄參軍前漢賈捐

之曰京兆郡國首解手背面禮疏主人請賓平敵之辭遂十一年君

出我入如相避然生閑死休吞不復宣刑官屬

郎引章計奪權臣不愛南昌是幹署為尚書刑部員外郎以

守法不阿下遷虔州刺史虔州為南康郡昌當作康聲之誤也明條謹獄氓獠

戶歌用遷澧浦為人受瘥改刺澧州為音于偽切還家東

都起令河南屈拜後生憤所不堪屢以正免身

伸事蹇竟死不屈孰勸為善丞相南討余辱司

馬議兵大梁走出洛下

裴度伐蔡辟公為行軍司馬馳調汴帥韓洪俾

出兵助度討賊哭不憑棺莫不親聲不撫其子葬不送

野望君傷懷有殞如瀉銘君之績納石壤下爰

及祖考紀德事功外著後世鬼神與通君其奚

憾不余鑒衷嗚呼哀哉尚饗

祭左司李貞外太夫人文

李邢之母
邢有墓銘

維年月日某官某等謹以清酌庶羞之奠敬祭
于某縣太君鄭氏尊夫人之靈胄于茂族配此

德門克成厥家享有全福為婦為母再朝中宮
搢紳推榮宗黨是則某等幸隨令子同服官僚
庶展哀誠式陳牢醴尚饗

祭薛中丞文

薛存誠字資明河中寶鼎人正元初進
士第累擢監祭御史殿中侍御史遷給
事中憲宗悅之拜御史中丞後暴卒唐
史有傳公時為比部郎中史館修撰
坐于頔杜黃裳家事逮捕下獄存誠劾
究之得贓十數萬當以大辟權近更保
救於憲宗有詔釋之存誠不奉詔鑒虛
卒抵死江西北監軍高仲昌妻劾信州刺
史李位謀反追付杖內詰狀存誠一日
三表請付位御史臺及按就無實未幾
復為給事中會中丞闕帝謂宰相曰待

寔無易存誠者乃獲命之暴亟帝惜之
左掖南臺共傳故事其謂給事中御史

中丞時
所為也

維年月日

一云維元和九年歲次甲午某官某
閏八月乙巳朔十五日巳未

乙等謹以清酌庶羞之奠祭于亡友故御史中
丞贈刑部侍郎薛公之靈公之懿德茂行可以
勵俗清文敏識足以發身宗族稱其孝慈友朋
歸其信義累外科第亟踐班行左掖南臺共傳
故事左掖則給事中南
臺御史中丞也詩人墨客爭譔新篇羽
儀朝廷輝映中外長塗方騁大限俄窮聖上軫
不遘之悲具僚興去亡之歎况某等忘言斯久

知我最深青春之遊白首相失來陳薄奠詎盡
哀誠嗚呼哀哉尚饗

祭裴太常文

備言裴不知其為誰

維年月日愈等

一云維元和九年月日給事中李逢吉給事中孟簡吏部侍郎

張惟素吏部侍郎張賈比部侍郎直史館脩撰韓愈等

謹以庶羞清酌之

奠敬祭于故太常裴二十一兄之靈朝廷之重
莫過乎禮雖經策具存而精通蓋寡自郊立故
事宗廟時宜犬君之所旁求丞相之所平問群
儒拱手宗祝醉心兄皆指陳根源斟酌通變莫

不允符天旨克協神休至于一作公卿冠昏士

庶喪祭疑皆響答問必實歸從我者是為軌儀

異我者無逃指笑動為時法言必一作古經獨

立一朝高視千古而又驅馳朋執僂俛宗親儼

一作瞻石之儲常空於私室方丈之食每盛於賓

筵贈必固辭求無不應孰云具美而不永年某

等早接遊從實歛道義致誠薄奠以訣終天嗚

呼哀哉尚饗

潮州祭神文五首

補註其一到任謁太湖神其二祈雨于太湖神三四五謝晴于城隍神界石神

太湖神也

維年月日潮州刺史韓愈謹差攝潮陽縣尉史
虛已以特羊庶羞之奠告于太湖神之靈愈承
朝命爲此州長今月二十五日至治下九大神
降依庇貺斯人者皆愈所當率徒屬奔走致誠
親執祀事於廟庭下今以始至方上奏天子思
慮不能專一冠衣不淨潔與人吏未相識知牲
粢酒食器皿損弊不能嚴清又未卜日時不敢
自薦見使攝潮陽縣尉史虛已以告神其降鑒
尚饗

維元和十四年歲次己亥六月丁未朔六日壬子持節潮州諸軍事守潮州刺史韓愈謹以清酌暇脩之莫祈于太湖神之靈曰稻既穡矣而雨不得熟以穫也蠶起且眠矣而雨不得老以簇也歲且盡矣稻不可以復種而蠶不可以復育也農夫桑婦將無以應賦稅繼衣食也非神之不愛此此一無人刺史失所職也百姓何罪使至此此一無極也神聰明而端一聽不可濫以惑也刺史不仁可坐以罪惟彼無辜惠以福也畫

劉雲陰卷月日也

劉即計切方言曰解也卷月日疑作屢白日傳寫誤也下

篇亦去
白日

幸身有衣而口得食

一作食給神役也充

上之湏脫刑辟也選牲爲酒以報靈德也吹擊
管鼓侑香潔也拜庭跪坐如法式也不信當治
疾殃殛也神其尚饗

維年月日潮州刺史韓愈謹以柔毛剛鬣清醑
庶羞之奠祭于城隍之神間者以淫雨將爲人
災無以應貢賦供給神明上下獲罪罰之故乃
以六月壬子奔走分告乞晴于爾明神明神閔
人之不幸若饗一作若若答糞除于天地山川清
風時興白日顯行蠶穀以登人不咨嗟惟神之

恩夙夜不敢忘急謹卜良日躬率將吏薦茲血
毛清酌嘉肴一作羞侑以音聲以謝神貺神其饗
之

維年月日潮州刺史韓愈謹遣耆壽成儀以清
酌少牢之奠告于界石神之靈曰惟封部之內
山川之神克庥庥一無字於人官則置立室宇備
具服器莫饗以時今淫雨旣霽蠶穀以成織婦
耕男忻忻術術是神之庥庥于人也敢不明受
其賜謹選良月吉日齋潔以祀神其鑒之一作茲
尚饗

維年月日潮州刺史韓愈謹以清酌庶羞之奠
祭于太湖之神惟神降依茲土以庇其人今茲
無有水旱雷雨風火疾疫爲災各寧厥宇以供
上役長吏免被其譴賴神之德夙夜不敢忘謹
具食飲躬齋洗奏音聲以獻以樂以謝厥賜不
敢有所祈尚饗

新刊經進詳補註昌黎先生文卷第二十二



新刊經進詳註昌黎先生文卷第二十三

祭文

袁州祭神文三首

神豈特開衡之雲哉

維年月日袁州刺史韓愈謹告于城隍神之靈

刺史無治行無一字以媚于神祇天降之罰以久

不雨苗且盡死刺史雖得罪百姓何辜宜降疾

咎于其身無令鰥寡蒙茲濫罰謹告

維年月日袁州刺史韓愈謹以少牢之奠祭于

仰山之神仰山山名也按唐志袁州宜春西南

將順所鑿九域志曰袁州仰山峭拔萬仞不可
登陟詩曰高山仰止名取此義倦游錄云袁州
仰山神祠自唐以來威靈頗著幅員千里之內
事之甚謹柔毛之獻歲時相繼故動以數百餘
輦爲群曰神之所依者惟人人之所事者惟神今
既大旱嘉穀將盡人將無以爲命神亦將無所
降依不敢不以告若守土有罪宜被疾殃於其
身百姓可哀宜蒙恩憫以時賜雨使獲承祭不
怠神亦永有飲食謹告

維年月日袁州刺史韓愈謹以少牢之奠祭于
仰山之神曰田穀將死而神膏澤之百姓無所
告而神恤之刺史有罪而神釋之敢不有薦也

尚饗

祭柳子厚文

集有墓銘公時為永州刺史補記按子厚以元和十四年十月五日夢奠于柳州公以其月二十四日自潮即索此文索州作也劉夢得有祭文且序其集云

維年月日韓愈子云維元和十五年歲次庚謹

以清酌庶羞之奠祭于亡友柳子厚之靈嗟嗟

子厚而致然耶自古莫不然我又何嗟人之生

世如夢一覺其間利害竟亦何校當其夢時有

樂有悲及其既覺豈足追惟淮南子曰人者千

極譬若夢為鳥而飛於天夢為魚而沒於淵故曰人之生世如夢一覺其間利害竟亦何校又

曰方其夢也不知其夢也覺而後知其夢也今將有大覺然後知今此之為大夢也故曰當其夢時有樂有悲及其既覺豈足追惟此意本出莊子至淮南子變文以鋪繹之覺音居效切寤也今俚語尚然校辨也亦音教子厚少年俊偉知名當世乃不自愛惜附叔文匪人自致青雲俄而泰内例遭黜責此真邯鄲枕事也謂其行事不足記錄故直以夢此之與下文犧尊以青黃為灾良馬以脫羈馬為善皆反覆為子厚文過矣至於求身行則以小人語禹錫不少假借公之筆法

凡物之生不願為材犧樽青黃乃木

之災

莊子曰百年之木破為犧尊青黃而文之其斷在溝中比於犧尊則美惡有間矣注

云刻木作犧牛之形以為祭器名曰犧尊又加青黃文柔之飾與斷弃溝中不被收用者殊犧音義按周禮司尊作獻鄭氏子之中棄夫脫馬謂飾以鳳凰娑娑音素何切

羈王佩瓊琚大放厥辭

中棄謂貶柳州也馬音之樹切羈音居宜切莊

子馬蹄曰連之以羈馬注云羈馬絡頭馬絆前
兩足也歐陽棖舟和尚碑跋云子厚與退之皆
以文章名一時而後出稱爲韓柳者蓋流俗之
相傳也其爲道不同猶夷夏也然退之於文章
每極稱子厚者豈以其名並顯於世不欲有所
貶毀以避爭名之嫌而其爲道不同雖不言顧
後世自當知歟不然退之以力排釋老爲已任
於子厚不得無言也按本傳愈常稱其文曰雄
深雅健似司馬子富貴無能磨滅誰紀
長崔蔡不足多也司馬子富貴無能磨滅誰紀
富貴而名磨滅者不可勝紀作凋儻非常之人稱焉
子之自著表表一作
俞偉宗元少年名重請復尊号不善爲斷血指
汗顏巧匠旁觀縮手袖間言當世群士不善者
失雖大手亦不敢觀子厚之文赧然自
較也巧匠自謂子之文章而不用世乃令吾
徒掌帝之制謂以考功郎中知制誥子之視人

自以無前一片不復群飛刺天

言子厚既死群輩妄以文得名

譬猶鷹隼一去而鷙雀紛拏也蜀都賦森搏搏而刺天歐陽公師韓愈者也及其既卒東坡用之曰譬猶龍亡而虎逝則變怪百出舞魍魎而號狐狸即此意也嗟嗟子厚今

也則

一作有今

士臨絕之音一何琅琅徧告諸友以

寄厥子不鄙謂余亦託以死

好事集云柳宗元得韓愈所寄詩先

以薔薇露盥手熏玉蕤香然後發讀曰大雅之文正當如是子厚平昔敬公如此故公有不鄙之凡今之交一作人觀勢厚薄余豈可保能承子

託非我知子子實命我猶有鬼神寧敢遺墮

本傳

云宗元既沒柳人懷之託言降于州之堂人有慢者輒死廟於羅池愈因碑以實之云墮徒果念子永歸無復來期一作斯設祭棺前矢心以

辭嗚呼哀哉尚饗

祭湘君夫人文

集有黃陵廟碑此祭文刻其陰
沈傳師書云黃陵碑其後書曰其將修
廟祭神文曰
云云即此也

維元和十五年歲次庚子十月某日朝散大夫
守國子祭酒韓愈謹令前袁州軍事判官張得
一以清酌之奠敢昭告于湘君一又有夫人二
妃之神前歲之春愈以罪犯黜守潮陽一作懼
以譴死且虞海山之波霧瘴毒為災以殞其命
舟次祠下是用有禱于神神享其衷賜以吉卜

曰如汝一無志蒙神之福啓帝之心去潮即表

今又獲位於朝復其章綬退思往昔實發夢寐

凡累或作三或作四皆誤年於今乃合夙夜悚惕敢忘神

之大庇伏以祠宇毀頓一作損憑附之質丹青之

飾暗昧不蠲一本頻作損不稱尺證靈明一作靈

外無四垣堂陞頽落牛羊入室居民行商不來

祭享輒敢以私錢十萬祈于邦伯石本無修而此四字

作之舊碑斷折一本中折其半仆地文字缺滅幾

不可讀謹修而樹之廟成之後將求主石仍刻

舊文因銘其陰以大振顯君夫人之威神以報

靈德俾民承事萬世不怠惟神其鑒之尚饗
始將既修樹舊碑仍刻其文於新石因銘其陰
舊碑石既多破落文不可盡識移之於新或失
其真遂不復刻

祭竇司業文

諱牟集有墓銘
二年二月卒公志其墓甚詳

維年月日兵部侍郎韓愈謹以清酌庶羞之奠
祭于故國子司業竇君三兄之靈惟君文行夙
成有聲江東魁然厚重長者之風一舉於鄉遂
收厥功屢佐大侯以調兵戎詔曰予虞汝爲郎

中通典曰虞部蓋古虞入之職掌京城街巷

乃令洛陽歲且四終惟刑之慎掌正隸僮命守

高平命副一作儒宮澤州為高平郡朱衣銀魚

象服以崇鄒風君子偕老詩曰象服是宜言古

改五品以銅中宗反正仍舊錫榮考妣孝道

上窮官不滿能亦去達通踰七望八年孰非翁

一作公言年踰七十可以望於八十矣莊子曰

人上壽百歲中壽八十下壽六十今俗本改為

踰七八年孰非望公誤矣在君無憾我意不充君之昆弟三

以辭雄刺史郎中四繼三同公一兄三弟相繼

者三人謂於士大夫可謂顯赫我之獲見實自

常群庠也

童蒙既愛既勸在麻之蓬荀子曰蓬生麻中不扶自直言所漸者然

也漸音切自視鵝鵝望君飛鴻鳥子須母食之曰鵝鵝能自食曰鵝鵝

音冠四十餘年事如夢中分宰河洛槐立並躬為公

河南令時年為洛陽令公送石洪序云二縣之大夫是也俱官於學以纖臨

洪惠許詩一作不酬報德以空凡生莫接孰明我

衷於祭告情文以自攻嗚呼哀哉尚饗

祭主簿侯喜文

喜字叔起汝州人久從公學常以狀薦之于盧郎中以書薦之于陸負外是以

登正元十九年進士第七年為校書郎十二年為協律郎至是終于國子主簿

維年月日吏部侍郎韓愈謹遣男殿中省進馬

佶致祭于亡友故國子主簿侯君之靈嗚呼惟
子文學今誰過之子於道義固不拾遺一作因不捨遺
我卿我愛人莫與夷自始及今二紀于茲我或
爲文筆俾子持唱我和我問我以疑我釣我遊
莫不我隨我寢我休莫爾之私朋友昆弟情敬
異施惟我於子無適不宜棄我而死嗟我之衰
相好滿目少年之時人之亡亡一作日亡今其有
誰誰不富貴而子爲羈我無利權雖怨曷爲子
之亡葬我方齋祠哭送不可誰知我悲嗚呼哀
哉尚饗

祭竹林神文

穆天子傳曰天子西征休于玄池之上而奏廣樂三日而然。是曰樂池。乃樹之竹。是曰竹林。神名蓋起於此。爾雅祭文皆禱旱其後。賀雨表云。季夏以來雨澤不降。呂職司京邑祈禱實頻。公時為京兆尹。長慶三年也。

維年月日京兆尹兼御史大夫韓愈謹以酒脯之奠再拜稽首告于竹林之神曰天子不以愈為愚不能使尹茲大衆二十三縣之人今農既勤於稼有苗盈野而天不雨將盡槁以死農將無所食鬼神將無以為饗國家之禮天地百祀神祇不失其常惠天下之人不失其和人又無

罪何爲造茲旱虐以罰也將俾尹者不仁不明
不能承帝之勅以化正其下聞無香惟醒醒問也醒當從醒神之于一作惠罰無差施罪瘠
于尹愈身是甘是宜雨則時降神無爽其聰明
永饗于人無媿尚饗

曲江祭龍文

皇城東昇道坊有流水屈曲謂之曲江見曲江荷花行

維年月日京兆尹兼御史大夫韓愈謹以香果
之奠敢昭告于東方青龍之神天作旱災嘉穀
將稿乃於甲乙之日依準古法作神之像齋戒

祀禱

董仲舒書曰春旱求雨令縣邑以水日令民禱社家人祠戶無斬木山林曝至聚匪

以玄酒脯再拜請雨奉牲禱以甲乙日為大蒼龍一長八丈居中為小龍七長各四文於東方

東向其間相去八尺小童八人皆齋三日服青衣而舞之諸里社取五蝦蟇鰭里社之中池方

八尺深一尺置五蝦蟇焉其酒脯祝齋三日拜跪陳祝如初取三歲雄雞與三歲蝦蟇皆燔之

於四通之衢神神其享佑之將降甘雨以惠茲農米雨書亦云

人如律令字

祭馬摠僕射文

唐書有傳摠是泉州別駕元和中以虔州刺史遷安南都護徙桂管經略

使累遷戶部尚書卒祭文與傳合交州安南也

維年月日吏部侍郎韓愈謹以清酌庶羞之奠

敬祭于故僕射馬公十二兄之靈惟公弘大溫

恭全然德備天故生之其必有意將明將昌實

艱初試佐戎滑臺斥由尹寺適彼甌閩餽餽跋

窺一作躡顛而不踣乃得其地摠身元中辟署滑州姓南仲幕府監

軍薛盈珍証南仲不法忽坐貶泉州別駕盈珍

入用事觀察使柳冕希旨欲誅之會刺史穆贊

保護乃免餽餽不安自五結切下五骨切跋

躡進退有難上浦撥切下陟利切踣足跋也音

於卧功泉州即古閩于泉于虔始執郡符遂殿

越之地見送惠師詩

交州抗節番禺去其蠅蠹竊越大蘇元和中以

遷安南都護徙桂管經略使殿鎮也丁鍊切通

典曰安南府漢之交趾郡也初理龍編縣又待

理番禺大唐為交州後改曰安南都護府今南

方夷人其足大趾開廣若並足而立其指則交

故名交趾番禺縣名今屬廣州為嶺南節度府
有禺山尉他葬於此東坡書柳子厚大鑒禪師碑後云今以韓碑考之則馬公自安南還南海非桂管也故曰遂點交州抗節番禺以是知唐

史之誤當擢亞秋官朝得碩士人謂其崇我勢

始起刑久之入為東征淮蔡相臣是使公兼邦憲

以副經紀殲彼大魁厥勳孰似相臣謂裴度也

淮大夫副裴度宣慰丞相歸治留長蔡師茫茫

稷昔實棘茨鳩鳴雀乳不見梟鴟惟蔡及許舊

為血仇命公并俟耕借之牛束其弓矢禮讓優

優吳元濟平留摠為淮西節度使貞元初分永

州號忠武軍領之從摠為節度道始誅鄆戎厥墟

腥臊公往滌之茲惟樂郊

李師道平折鄭曹僕等為一道除摠節度

事見鄆州溪堂詩

惟東有狝惟西有虺顛覆朋鄰我有

餘幾律萃中居斬其脊尾岱定河安惟公之驤

狝紅大也居例切陟毒蛇也以喻鄰寇時東則

音密西則魏博皆乘亂逐帥惟鄆截然自居預

惣以安律萃高貞上帝念一作厥功還公于朝

陟于地官且長百僚度彼四方孰樂可據顧瞻

衡鈞將舉以付惟公積勤以疾以憂及其歸時

當謝之秋賀問未歸弔廬已萃未燕于堂已哭

于次穆宗長慶二年召為戶部尚書射方至卒昔我及公實

同危事且死且生誓負捐棄歸來握手曾不三

四曾不濡翰酬酢文字

翰音寒筆也

曾不醉飽以勸

酒哉莫以叙哀其何能致嗚呼哀哉尚饗

弔武侍御所畫佛文

李朝集武公諱儒衡字廷碩年二十四得進士第歷侍御史夫人隴西李氏先

公而卒

御史

侍御一作

武君當年喪其配歛其遺服櫛珥盤

悅于篋

御板比之總名音側瑟切珥珥也音仍吏切盤小囊也音蒲官切悅巾也音翰

城月旦十五日則一出而陳之抱嬰兒以泣有

為浮屠之法者造武氏而諭之曰是豈有益耶

吾師去人死則為鬼鬼且復為人隨其

其字無所

積善惡受報旋

一作環

復不窮也極西方有佛焉

已見送靈師詩

其土大樂親戚如能相爲圖是佛而禮

之願其往生莫不如意武君憮然辭曰

憮然也音武

吾儒者其可以爲是既又逢月旦十五日復出

其篋實而陳之抱嬰兒以泣殆而悔且

且一無字

是真何益也吾不能了釋氏之信不

方九又安

知其不果然於是悉出其遺服櫛珮合若干種

就浮屠師請圖前所謂佛者浮屠師受而圖之

韓愈聞而弔之曰

哲哲兮目存

哲白也思積切

丁寧兮耳言忽不見兮不

聞莽誰窮今本源圖西佛今道子勲以妄塞悲

今

補註

柳子厚永州龍興寺修淨土院記與公此言則一而公終之曰以妄塞悲蓋子厚信

佛而公不信也

不

慰斯

斯字

新魂

嗚呼

奈何

今弔

以茲

文

祭故陝府李司馬文

集有墓銘

補註

郝之子漢公之婿故有婚姻之語其詳見所誌郝墓云

維年月日守國子祭酒賜紫金魚袋韓愈謹以清酌之奠祭于故陝府左司馬李公之靈曰公學以為耕文以為穫發憤孤身復續一作厥家選于吏部亟以科進歷臨大邑惟政有聲遂丞

宗正日朝帝庭出輔陝都吏畏僚慕子父諸孫
盈于室堂公始一作姑悅喜五福具有大夫士家
孰不榮羨如何不常以致大故嗚呼哀哉愈以
守官不獲弔送昏姻之好以哀以悲敬致微禮
公其歆之尚饗

祭號州司戶十二兄文

諱爰集有墓銘補註皇祖養素也其孫
曰會曰介曰愈曰俞曰岵曰岵見於世系及
公集者才此五人又有弇焉以殿中侍
御史死于平涼之盟其二人則逸焉公嘗
志爰之
墓云

月日從父弟某官某乙謹以清酌庶羞之奠敢

昭告于十二兄號州司戶府君之靈嗚呼惟我

皇祖有孫八人

按宰相世系皇祖諱獻桂州長史

惟兄與我後死

孤存奈何今日

一作於今

又棄而先生不偕居疾藥

不親歛不摩棺瘞不繞墳趨奔束制生死虧恩

歸女教男反骨本原其不有年以補我愆長號

送哀以薦此文尚饗

祭鄭夫人文

補註

舊唐志正觀十四年太宗因修禮

官進

事次言及喪服太宗曰同喪尚有

總麻之恩其嫂叔服宜集學若群議經

徵令狐德棻奏議引鄭仲虞顏洪都馬

援孔伋事嫂叔當服小功制曰可則嫂

在唐小功服而期服自公始故云受命

于元服必以期此公所以報也

維年月日

一云貞元九年歲謹於逆旅備時羞

之莫再拜頓首敢昭祭于六嬭滎陽鄭氏夫人

之靈嗚呼天禍我家降集百殃我生不辰

爾雅釋訓

曰不辰不時也

三歲而孤蒙幼未知鞠我者兄在死而

生實惟嬭恩未盡一二

一作

年兄官王官提攜負

任去洛居秦

齒毀齒也男八歲女七歲音初觀切兄會時為起居郎詩曰是任是

負負猶抱也

念寒而衣念飢而餐

俗作食

疾疹水火無

災及身劬勞閔閔保此愚庸年方及紀荐及凶

屯

十二年曰紀荐和也音才旬切屯難也音譚

兄罹讒口承命南遷

窮荒海隅天閱百年

會以元載坐貶韶州卒夫閱於此遂為百年之別也

劉孝標辨命論云天閱紛綸莫知其辨注云夫謂年壽不長也閱小也言年何止此而不逝也

李漢序云先生生於大曆戊申幼孤隨萬里故兄播遷韶嶺兄卒鞠於煙氏辛勤來歸

鄉幼孤在前相顧不歸泣血號天微媿之力化

為夷蠻水浮陸走

吳都賦水浮陸行方舟結駟

丹旄翩然至

誠感神返葬中原

歸葬既克返葬遭時艱難百

一作蕭蕭

口偕行避地江濱春秋霜露薦敬

一作蕭蕭

享韓氏之祖考曰此韓氏之門視余猶子誨化

諄諄爰來京師年在成人屢貢于主名迺有聞

念茲鈍頑非訓曷因感傷懷歸隕涕重恧苟容

躁進不顧其躬祿仕而還以爲家榮奔走乞假
東西北南孰云此來迺賻靈車有志弗及長負
殷勤嗚呼哀哉昔在韶州之行受命于元兄曰
爾幼養于嫂喪服必以期今其敢忘天實臨之
舊史志云貞觀中魏鄭公等議嫂叔服云或有
長年之嫂遇孩童之叔幼勞鞠養情若所生分
寒共飢契闊偕老其在生也愛之同於骨肉及
其死則推而遠之本原深所未論且事嫂見稱
載籍非一鄭仲虞則恩禮甚篤顏引都則竭誠
致感馬援則見之必冠孔伋則哭之爲位察其
所尚豈非先覺嫂叔舊無服今請服小功五月
返之幼養于嫂服朞以報可爲學士大夫法也

嗚呼哀哉日月有時歸合塋封

塋音營說文曰墓也終天

永辭絕而復蘇伏惟尚饗

祭十二郎老成文

名老成公兄介之子兄會早卒無嗣以
老成繼見韓滂墓銘老成卒于江南廬
山舊室公時在京師補註老成率府參
軍韓介之子也介二子長曰百川老成
其季也起居舍人會無子以老成爲後
老成生湘滂百川死公乃命滂歸後其
祖介會介及
公皆仲卿子

年月日季父愈

六一云貞元十九年六月二十間

汝喪之七日

一無字乃能銜哀致誠使建中遠具

時羞之奠告汝十二郎之靈嗚呼吾少孤及長

不省所怙惟兄嫂是依中年兄歿南方吾與汝

俱幼從嫂歸葬河陽既又與汝就食江南零丁

孤苦

零丁名弱自蜀志李密陳情之言

未嘗一日相離也吾上

有三兄皆不幸早世承先人後者在孫惟汝在

子惟吾兩世一身形單影隻嫂常撫汝拍吾而

言曰韓氏兩世惟此而已汝時尤小當不復記

憶吾時雖能記憶

爾雅以意思謂之憶

亦未知其言之

悲也吾年十九始來京城其後四年而歸視汝

又四年吾往河陽省墳墓遇汝從嫂喪來葬又

二年吾佐董丞相幕

一無幕字

于汴州汝來省吾止

一歲請歸取其孥

孥子

明年丞相薨吾去汴州

汝不果來是年吾又

一無又字

佐戎徐州使取汝者

始行吾又罷去汝又不果來吾念汝從于東東
亦客也不可以久圖圖久遠者莫如西歸將成
家而致汝嗚呼孰謂汝遽去吾先一作而字没乎吾
與汝俱少年以為雖暫相別終當久相與處故
捨汝而旅食京師以求斗斛之祿漢書漢官秩
差次自中二
千石至斗石石月十
一斛州縣佐史之類誠知其如此雖萬乘之公
相吾不以一日輟汝而就也去年孟東野往吾
書與汝曰吾年未四十而視茫茫而髮蒼蒼而
齒牙動搖念諸父與諸兄皆康彊而早世如吾
之衰者其能久存乎吾不可去汝不肯來恐旦

暮死而汝抱無涯之戚也孰謂少者歿而長者
存彊者夭而病者全乎

謂始傳聞老成卒嗚呼時凡乎皆疑辭也

其信然耶其夢耶其傳之非其真耶信也吾兄
之盛德而夭其嗣乎汝之純明而不克蒙其澤
乎少者彊者而夭歿長者衰者而存全乎未可
以爲信也夢也而一無傳之非其真也東野之
書耿蘭之報何爲而在吾側也

二者皆凶計下文見嗚呼

其信然矣信

信一無字

吾兄之盛德而夭其嗣矣汝

之純明宜業其家者不克蒙其澤矣所謂天者
誠難測而神者誠難明矣所謂理者不可推而

壽者不可知矣雖然吾自今年來蒼蒼者或化

而為白矣動搖者或脫而落矣毛血日益衰志

氣日益微幾何不從汝而死也左傳昭元年子產曰其與幾何

杜云言將不久死如而一作有知其幾何離一作

其無知悲不知知一無字幾時而不悲者無窮期矣

汝之子始一歲吾之子始五歲少而彊者不可

保如此孩提者又可冀其成立耶嗚呼哀哉嗚

呼哀哉五歲謂昶少而彊者不可保如此孩提

者又可冀其成立邪相後登長慶三年進士昶

生縮衮縮咸通四年衮七年進士天之所昌

韓氏之後者如此孰謂其不可冀其成立也其

文蓋公謂喜往復善自道者在當時亡對後二

百七十年歐陽文忠公為其父作龍崗汝去年

書云此

一作此

得軟脚病往往而劇吾曰是疾也

江南之人常常有之未始以為憂也

也一無字嗚呼

其竟以此而殞其生乎抑別有疾而至斯極

無一

極乎汝之書六月十七日也東野云汝歿以六

月二日耿蘭之報無日月蓋東野之使者不知

問家人以日月如耿蘭之報不知當時

一作言日

月

一作月日家人謂六月十七日老成家

蓋東

野與吾書乃問使者使者妄傳

一作稱

以應之耳

言歿以六月二日者亦妄也此言老其然乎其

成之歿皆得於傳聞不知果何日也

不一作欺然乎今吾使逮中祭汝弔汝之孤與汝

之乳母彼有食可守以待終喪則待終喪而取

以來如不能守以終喪則遂取以來其餘奴婢

並令守汝喪吾力能改葬終葬一無終葬字汝於先

人之兆然後惟其所願焉一無焉字嗚呼汝病吾不

知時汝歿吾不知日生不能以相養共居生一云

能相養以共居歿不得撫汝以盡哀歛不得遷其棺窆

窆葬下棺也音破驗切不得臨其穴吾行一作負神明而

使汝夭不孝不慈而不得與汝相養以生相守

以死一在天之涯一在地之下一作生而

影不與吾形相依死而魂不與吾夢相接善實
爲之其又何尤彼蒼者天曷其有極自今已往
吾其無意於人世矣當求數頃之田於伊潁之
上以待餘年教吾子與汝子幸其成長吾女與
汝女待其嫁如此而已嗚呼言有窮而情不可
終汝其知耶其不知也一有字耶嗚呼哀哉尚饗

祭周氏姪女文

備註 周況之妻韓俞之女於公爲姪女
公時爲中書舍人元和十一年也其詳

見公所
誌墓

維年月日十八叔叔母具時羞清酌之奠祭于

周氏二十娘之靈嫁而有子女子之慶纏疾中年又命不永今當長歸與一世違凡汝親戚孰能不哀撰此酒食以與汝訣汝曾知乎我念曷闕尚饗

祭姪孫滂文

補註老成二子湘滂於公為姪孫元和十四年春公自刑部侍郎出為潮州相滂二姪孫實從行其年冬公移索州滂至索得疾以卒遂葬索州郭南其詳見公所誌墓

維年月日十八翁及十八婆盧氏以清酌庶羞之奠祭于二十三郎滂之靈曰汝聰明和順出

於輦流強記好文又少與此將謂成長以興吾
家如何不祥未冠而夭吾與盧氏痛傷何言思
母之恩連呼以絕執兄之手勉以無悲情一何
長命一何短權葬遠地孤魂無依瀝酒告情哀
何有極尚饗

祭李氏二十九娘子文

李干之妻干有墓銘前李氏二十九
娘則公之姪女也皇甫持正諡公墓公
六女長婚李漢次樊宗懿次許嫁陳氏
餘未辨而唐路隋傳又以蔣係為公婿
其二逸焉若夫周况張徽妻則俞之女
李翱妻則弇之女皆以姪女見于公集
此其李干妻歟公常諡干墓曰太學博
士頽丘李干余兄孫婿也年四十八長

慶二年正月五日卒其月二十六日穿
其妻墓而合葬之則于為公姪孫婿而
二十九娘者于之妻明矣
其日合葬者先于死也

維年月日十八叔翁及十八叔婆盧氏遣相以
庶羞之奠祭于李氏二十九娘子之靈曰汝之
警敏和靜人莫及之姿相豐端不見闕虧幼而
孤露其然何為出從于人既相諧熙又暴以天
神何所疵生殺滅益竟誰主尸我哀汝毋孰慰
窮蹙我憐汝兒誰與抱持念此傷心不能去離
莫以送汝知乎不知尚饗

祭張給事文

和四年進士長慶元年七月甲辰出州
盧龍軍都知兵馬使朱克勣因其節度使張洪清以反獄時為節度判官以罵賊遇害朝廷贈給事中詳見公所誌墓

維年月日兵部侍郎韓愈謹以清酌之奠祭于故殿中侍御史贈給事中張君之靈惟君之先以儒名家逮君皇考再振厥華鄉貢進秀有司第之從事元戎謹職以治平聲遂拜郎官以職王憲不長其年飛不盡翰乃生給事松身王剛幹父之業纂文有光屢辟侯府亦佐梁師前人是似臺吏嗟咨臺年八十也他諸御史闕人奪之切易去大臺之嗟

於朝大厦之構斧斤未操府遽幽都頑悖未孚
繫君之賴乃奏乞留乃遽殿中朱衣象板惟義
之趨豈利之踐虺豺發覺閹府屠剝償其恨祀
君獨高脫露刃成林弓矢穰穰千萬爲徒譟謹
爲狂君獨叱之上不負汝爲此不祥將死無所
雖愚無知慙屈變色君義不辱殺身就德天子
嘉之贈官近侍歸於一死萬古是記我之從女
從才惟君之配君於其家行實高世無所掩一作
葬與一作與一作魂東歸誄以贈之莫知我哀嗚呼
哀哉尚饗

祭女孥女文

名孥女加切集有墓銘備註女孥公第
四女也元和十四年正月十四日公以
秋官言佛骨出刺潮州其年二月二日
女孥死于商南魯峯驛即瘞道南山下
其後公為京兆尹以長慶三年十月四
日發其骨歸葬河陽先原此文發歸旧
所以
祭也

維年月日阿爹阿八使汝姊以清酒時菓庶羞
之奠祭于第四小娘子孥女之靈嗚呼昔汝疾
亟一作值吾南逐蒼黃分散使汝驚憂我視汝
顏心知死隔汝視我面悲不能啼我既南行家
亦隨譴扶汝上一作與走朝至暮天一作雪冰

寒霜

一作

傷汝

女一作

羸肌

撼頓險阻

不得少息不

能食飲

又使渴飢

死于窮山

實非其命

不免水

火父母之

罪使汝至

此豈不緣

我草葬路

隅棺

非其棺既

瘞遂行

誰守誰瞻

魂單骨寒

無所託

依人誰不

死於汝即

冤我歸自

南乃臨哭

汝汝

目汝面在

吾眼傍汝

心汝意冤

冤

一作宛

可忘逢

歲之吉致

汝先墓無

驚無恐安

以即路飲

食柔

芳

一作

甘棺輿華

好歸于其

丘萬古是

保尚饗

新刊經進詳補註昌黎先生文卷第二十三